

Nuntio ejus rei allato, statim custodiæ præfectus arcta Seniam obsidione cingere, omniaque ad eam urbem euntia ac redeuntia navigia capere jussus. Ex ea re cum summam molestiam Rodolphus Imperator cepisset, remque communem agi arbitraretur, Turcas non minus a mari Reipublicæ, quam a terra sibi infensos esse dictitans, Carolo Archiduci patruo, ut in noxios animadverteret, ablata reddi juberet, præcepit. Per eos dies a Decemvirum collegio in Jacobum Superantium, Equitem ac Marcium Procuratorem, civem eximia apud cunctos ordines existimatione, animadversum, quod occulta Senatus, eo ad ecclesiasticas dignitates graduum sibi facturus, Principibus significasset. Re per multos menses in eo consilio acta, tandem augusto procuratoria dignitate exutus, Justinopolim deportari, ubi reliquum vitæ tempus conficeret, jussus est. Egregius alioqui civis, omnes honorum gradus domi forisque emensus, ac in Reipublicæ gravissimis negotiis versatus, sublimi atque elato animo, qui fere privati civis fortunam conditionemque egrederetur, æquanimirate & constantia eum casum tulit, sententiæque nuntium excepit; ac ne minimum quidem vultum faciemque immutatus, prompte supremi consilii jussis obtemperaturum effatus. Eodem animi vigore & constantia cum aliquot annos Justinopoli vixisset, in patriam tandem reditu impetrato, privatam vitam usque ad extremam ætatem egit.

Eodem fere tempore Carolus Emanuel, Sabaudia Dux, Catharinam, minorem natu Philippi Hispaniarum Regis filiam, uxorem accepit; idque cum Reipublicæ per Camerani Comitem legatum significasset, Petrus Duodus, Francisci filius, qui nuptias gratularetur, ad eum orator est missus. Monachio quoque per Andreæ Minutium allatæ ab Vilelmo Bajoariæ Duce literæ, quibus significabat, Gebhardo Truchsesio, qui infandis sacratæ virginis nuptiis a catholica religione desciverat, in Coloniensi archiepiscopatu ac septemviratu a canonicis Ernestum fratrem, Leodii Antistitem, fuisse suffectum: ei Gregorium Pontificem Maximum pecunia, Philippum copiis præsto esse; iis devictum Truchsesium latitare, & Carolum fratrem nova moliri, protestantibusque Principibus adjutum, denuo bellum meditari; id si redintegretur, a Senatu, pro

*Jacobus Superantius exilio a Decemviris damnatus.*

*Caroli Emanuelis Sabaudia Ducis, cum Hispania Regis filia nuptia.*

*Petrus Duodus ad Sabaudum orator. Ernestus Bajoarius Coloniae Archiepiscopus eligitur.*